

5  
23. febr.

## SAMÞYKT

um

### lendingarsjóð í Stokkseyrarveiðistöð.

Sýslunefndin í Árnessýslu hefir samkvæmt lögum nr. 86, 14. nóv. 1917, gjört, og hjeraðsfundur fallist á, eftirfylgjandi samþykkt um lendingarsjóði í Stokkseyrarveiðistöð.

#### 1. gr.

Af bifbátum alt að 15 smálestum, er ganga til fiskveiða í Stokkseyrarveiðistöð, skal greiða í lendingarsjóð 2 kr. af hverjum vetrarvertíðarhlut, og 1 kr. af hverjum vetrarvertíðarhlut róðrabáta.

#### 2. gr.

Hreppstjóri innheimti gjald þetta; greiðir formaður það í peningum af óskiftum aflu fyrir 1. maí ár hvert. Innheimtumaður fær 2% í innheimtulaun. Taka má gjald þetta lögtaki, sje það eigi greitt á rjettum tíma.

#### 3. gr.

Hreppstjóri semur skýrslu yfir alla þá, er gjald þetta eiga að greiða, og sendir hana oddvita sýslunefndar ásamt gjaldinu, fyrir 15. júlí ár hvert.

#### 4. gr.

Gjaldið skal ávaxtað í sjerstökum sjóði, er nefnist Lendingarsjóður Stokkseyrarveiðistöðvar. Annast sýslunefndin um, að sjóðurinn sje ávaxtaður á sem tryggastan og haganlegastan hátt.

#### 5. gr.

Fje sjóðsins skal varið til að bæta leiðir, leiðarmerki og lendingu í Stokkseyrarveiðistöð. Sýslumaður, í umboði sýslunefndar, ákveður eftir tilögum nefndar, er formenn í veiðistöðinni kjósa á ári hverju til að hafa umsjón með leiðum, leiðarmerkjum og lendingu á samþyktarsvæðinu, hvenær byrjað skuli að veita fje úr sjóðnum til lendingabóta, og hve mikið skuli veitt í hvert sinn.

Samþykkt þessi er hjermeð staðfest til að öðlast þegar gildi, og birt til eftirbreytni öllum, sem hlut eiga að máli.

*Atvinnu- og samgöngumálaráðuneytið, 23. febrúar 1924.*

**Kl. Jónsson.**

*Vígfús Einarsson.*